



## Cronfa Gymunedol Gwynt y Môr Canllawiau i Ymgeiswyr

Dylid darllen y nodiadau hyn cyn cyflwyno cais i Gronfa Gymunedol Gwynt y Môr. Hefyd mae'n ddoeth edrych ar y nodiadau hyn yn ystod y broses ymgeisio.

**Rydym yn argymhell cysylltu â Rheolwr Cronfa Gwynt y Môr neu gynrychiolydd Cronfa CVC cyn llenwi neu gyflwyno cais.**

Am ragor o help neu gyngor, cysylltwch â:

**Neil Pringle: 01492 523845, e-bost: [neilpringle@cvsc.org.uk](mailto:neilpringle@cvsc.org.uk)**

### **Beth yw Cronfa Gymunedol Gwynt y Môr?**

Gwynt y Môr yw ail fferm wynt fwyaf y byd sy'n gweithredu ar y môr. Mae wedi'i lleoli oddi ar arfordir Gogledd Cymru. Mae'n bartneriaeth gwerth £2 biliwn rhwng innogy SE (50%), Stadwerke München GmbH (30%), Macquarie Infrastructure and Real Assets (20%). Cronfa Gymunedol Gwynt y Môr yw cyllid a ddarperir gan y bartneriaeth i gefnogi cymunedau'r arfordir yng Nghonwy, Sir Ddinbych a Sir y Fflint.

Lansiwyd y cynllun ym mis Gorffennaf 2015 ac mae'n cael ei reoli'n annibynnol gan CVSC, mewn cydweithrediad â CGGD a CGGFf. Asesir y ceisiadau i'r gronfa gan banel ymgynghorol yn chwarterol. Mae'r panel yn cynnwys cynrychiolwyr cymunedol o bob un o'r siroedd ac arbenigwyr annibynnol.

### **Crynodeb o'r gronfa**

Bydd y gronfa'n cynnig:



Bydd rhaid i geisiadau am grantiau gwerth hyd at £10,000 gyflwyno ffurflen gais syml.

Bydd rhaid i geisiadau am grantiau gwerth mwy na £10,000 fod yn rhan o broses ymgeisio 2 gam.

Bydd yn ofynnol i'ch cais gefnogi cyflawni o leiaf un o dair thema'r gronfa:

### **Thema 1: Meithrin cymunedau cadarn, cydlynol a chynaliadwy**

- Lle mae pobl yn rhannu gweledigaeth gyffredin a gwahaniaethau pobl yn cael eu gwerthfawrogi a'u derbyn
- Lle mae pobl yn cael yr un cyfleoedd dim ots beth yw eu cefndir
- Lle mae pobl o wahanol gefndiroedd yn gallu datblygu perthnasoedd positif a chadarn
- Lle mae pobl eisiau byw a gweithio nawr ac yn y dyfodol
- Cymunedau ffyniannus a bywiog sy'n gwella ansawdd bywyd pobl

### **Thema 2: Datblygu cymunedau ffyniannus a mentrus gyda thwf economaidd cadarn**

- Creu cyfleoedd gwaith newydd a/neu gynnal swyddi presennol
- Helpu pobl i ddatblygu sgiliau newydd neu wella eu sgiliau presennol
- Darparu cefnogaeth barhaus a gwasanaeth mentora i bobl sy'n dewis hyfforddiant a/neu gyflogaeth

### **Thema 3: Lleihau tldi ac anghydraddoldeb mewn cymunedau**

- Lleihau diweithdra a chynyddu incwm teuluoedd
- Gwella canlyniadau iechyd ac addysg teuluoedd sy'n byw mewn tldi

### **Sefydliadau Cymwys**

Cyn gwneud cais am grant, bydd rhaid i sefydliadau sydd yn yr ardal benodol a fydd yn elwa\* fod â chyfansoddiad ysgrifenedig, cyfres o reolau neu ddogfen lywodraethu, a bydd rhaid iddynt fod â chyfrif mewn banc neu gymdeithas adeiladu (yn enw'r sefydliad) gyda dau lofnodwr o leiaf wedi'u pennu.

Dyma'r Sefydliadau Cymwys a gaiff wneud cais am gyllid:

- Grwpiau gwirfoddol, cymunedol
- Cynghorau Plwyf / Cymuned / Tref
- Mentrau cymdeithasol (gan gynnwys undebau credyd, cydweithfeydd, cwmnïau cymdeithasol, mentrau sy'n eiddo i'r gymuned, cwmnïau buddiannau cymunedol ac ymddiriedolaethau datblygu) ar yr amod eu bod yn gweithredu ar sail ddielw

\*Gweler y map ar dudalen 6



## Eithriadau

Ni fydd grantiau ar gael ar gyfer y canlynol:



- Sefydliadau masnachol
- Unigolion
- Unrhyw waith a ystyrir fel cyfrifoldeb statudol, fel gwasanaethau trafnidiaeth wedi'u hamserlennu a gwaith ar briffyrdd cyhoeddus a meysydd parcio cyhoeddus
- Prosiectau crefyddol eu ffocws, prosiectau sy'n cefnogi ymgyrch neu achos gan blaid wleidyddol, neu brosiectau a fydd yn dwyn anfri ar y cyllid neu'r cyllidwr
- Cyllid am yn ôl, h.y. prosiectau sydd wedi'u cwblhau eisoes, boed wedi talu amdanynt ai peidio
- Creu cronfa neu warged, i'w ddsbarthu ai peidio
- Costau cysylltiedig â 'Throsglwyddo Asedau' o Awdurdodau Lleol (h.y. costau cyfreithiol, costau ymarferoldeb ac ati.) Er hynny, ar ôl trosglwyddo'r Ased, mae'r grŵp sy'n gyfrifol am ei ddymunoldeb yn gymwys i wneud cais am grant o'r gronfa
- Ni all sefydliadau heb ddau lofnodwr (ni ddylent fod yn perthyn) ar gyfer pob trafodiad ariannol wneud cais

## Llenwi'r Ffurflen Gais

### Adran 1: Amdanoch chi/eich sefydliad



- Beth yw eich rôl yn eich grŵp? (e.e. Ysgrifennydd, Cadeirydd, Trysorydd ac ati)
- Ydych chi'n rhan o sefydliad ehangach/aelod o unrhyw gorff rheoli cenedlaethol neu elusen?
- Pa fath o sefydliad ydych chi? (e.e. Clwb/cymdeithas wirfoddol, clwb/sefydliad ieuencid, elusen, cyngor tref/cymuned, grŵp amgylcheddol ac ati)

### Adran 2: Am eich prosiect



- Dywedwch wrthym am eich prosiect. Beth ydych chi eisiau ei wneud? Pam ydych chi eisiau ei wneud? Os byddwch yn ymgymryd â'r prosiect, pa wahaniaeth fydd yn ei wneud yn eich cymuned / i'ch grŵp / yr amgylchedd / yr adeilad / i'ch aelodau?
- Dim ond drwy ddatgan yn glir beth rydych eisiau ei wneud fydd y panel yn deall eich prosiect yn iawn.
- Mae'n rhaid i chi dynnu sylw at fanteision y cynllun arfaethedig. Dim ond wedyn y gellir asesu eich cais o ran gwerth am arian.
- Peidiwch ag anghofio bod yn realistig am eich dyddiadau dechrau a gorffen. Yn aml iawn mae materion fel gwaith cynllunio a saerïol yn cymryd mwy o amser na'r disgwyl.

- Cewch ysgrifennu mewn paragraffau, pwyntiau bwled neu barhau ar ddalen arall o bapur. Ceisiwch fod yn gryno a chadw at y prif bwyntiau.
- Pa dystiolaeth sydd gennych chi bod angen y prosiect? Oes gennych chi unrhyw dystiolaeth i gefnogi eich barn? Sut byddai'r cyllid hwn yn eich helpu chi i gyrraedd eich nod?
- Pa wahaniaeth fydd y prosiect yn ei wneud? (e.e. prynu offer newydd yn galluogi i ni sefydlu dosbarth newydd i famau a phlant bach; bydd y prosiect yn galluogi ailagor yr adeilad gwag hwn fel neuadd i Guides a Sgowtiaid; bydd y prosiect yn creu 30 o aelodau newydd i'r clwb/swydd newydd ac ati).

### Adran 3: Manylion Ariannol



- Mae'r adran hon yn delio â chostau'r prosiect.
- Bydd angen 3 dyfyn-bris ar gyfer unrhyw eitem sy'n costio mwy na £5,000.
- Dylech restru pob eitem / elfen rydych yn ceisio cyllid ar ei chyfer.
- Cofiwch gynnwys y gost net, y TAW a chyfanswm y gost.
- Nodwch yn glir a yw eich sefydliad yn gallu adfer y TAW.
- Os ydych yn bwriadu adfer y TAW, dim ond cost net pob eitem ddylech ei nodi.
- Anogir ymgeiswyr i chwilio am gyllid cyfatebol ar gyfer eu prosiectau. Er hynny, nid yw hyn yn orfodol ac nid oes swm penodol o gyllid cyfatebol yn ofynnol.
- Rhestrwch yr holl gyllidwyr / cyllidwyr posib eraill, wedi neu heb eu cadarnhau, a'r swm yr ydych wedi gwneud cais amdano ganddynt.
- Yn olaf, ar waelod yr adran hon, nodwch faint o grant rydych chi'n gwneud cais amdano.

### Adran 4: Ceisiadau mwy na £10,000



Yn ychwanegol at yr uchod, bydd yn ofynnol i grwpiau sy'n gofyn am fwy na £10,000 o gymorth gyflwyno'r canlynol fel rhan o'r cais:

- Cynllun datblygu/Cynllun busnes 3 blynedd

#### Gwybodaeth Werthfawr Arall:

- Mae Cronfa Gymunedol Gwynt y Môr yn gallu cefnogi prosiectau cyfalaf a refeniw.
- Bydd rhaid i grwpiau newydd heb gyfrifon wedi'u harchwilio gyflwyno datganiad banc diweddar. Mae disgwyl i ymgeiswyr ddangos cefnogaeth gymunedol i brosiect drwy gyfrwng llythyrau neu negeseuon e-bost annibynnol.
- Copi o gyfansoddiad y sefydliad  
Polisiau Cyfleoedd Cyfartal ac Iaith  
Dyfyn-brisiau neu amcangyfrifon ysgrifenedig  
Copi o'r cyfrifon diwethaf sydd ar gael  
Datganiad banc diweddar

- Mae disgwyl i ymgeiswyr ddangos cefnogaeth y gymuned i brosiect drwy gyfrwng llythyrau neu negeseuon e-bost annibynnol (dim mwy na 5)
- Os yw eich prosiect yn cynnwys costau adeiladu, gwnewch yn siŵr bod y caniatâd cynllunio a rheoli adeiladu priodol yn ei le cyn i chi gyflwyno'r cais i'r panel.
- Cyn i chi gyflwyno eich cais wedi'i gwblhau, darllenwch restr wirio'r prosiect ar dudalen olaf y ffurflen.

### **Ar ôl derbyn unrhyw grant:**

Bydd y person cyswllt yn derbyn llythyr sy'n amlinellu penderfyniad y panel. Rhaid i'r person cyswllt wneud copi o'r llythyr a'i ddychwelyd i CVSC. Mae'r copi ar gyfer eich cofnodion chi. Os yw eich cais yn llwyddiannus, rhaid i chi gytuno i'r canlynol:

- Cyflwyno derbynebaw am yr holl wariant
- Cyflwyno adroddiadau yn unol â phob cais (bydd y rhain yn cyfateb i faint a chymhlethdod eich prosiect)
- Defnyddio'r arian yn union fel y nodwyd yn eich cais oni bai eich bod wedi derbyn cytundeb ymlaen llaw gan CVSC
- Rhoi cyhoeddusrwydd i Gronfa Gymunedol Gwynt y Môr


## **COFIWCH SIARAD Â SWYDDOG YN CVSC CYN CYFLWYNO EICH CAIS.**

### **DIOGELU DATA AC AWDURDODI DEFNYDD**

Bydd Cefnogaeth Gymunedol a Gwirfoddol Conwy (CGGC), yn gweithredu ar ran Cronfa Budd Cymunedol Gwynt y Môr, yn defnyddio'r wybodaeth yn eich dogfen ymgeisio, gan gynnwys eich gwybodaeth bersonol, i brosesu eich cais am gyllid. Mae hyn yn cynnwys rhannu'r wybodaeth yn llawn gyda'n partneriaid yn DVSC, FLVC, a Chynghorau Sir Ddinbych a Chonwy. Bydd yr wybodaeth yn cael ei rhoi mewn bas data sy'n cael ei ddefnyddio gan CGGC a'i bartneriaid Cefnogi Trydydd Sector Cymru (mae rhagor o wybodaeth a'n hysbysiad preifatrwydd ar gael yn <https://thirdsectorsupport.wales/cy/preifatrwydd/>). Bydd yr wybodaeth yn cael ei chadw tra bydd prosiect GYM yn para ac wedyn bydd yn cael ei dinistrio'n ddiogel

### **Dychwelwch y Ffurflen Gais wedi'i llenwi a'r dogfennau ategol at:**

Neil Pringle: 01492 523845, **e-bost:** [neilpringle@cvsc.org.uk](mailto:neilpringle@cvsc.org.uk)



**Legend**

- Area of Community Benefit
- Overlapping community boundaries
- Route of export cables to substation
- Wind Farm site boundary

Created by:	Checked by:	Date:	Rev:
LH	KW	11/06/2015	V1

Content custodian:

The content of this map can only be modified with the consent of the above named person

Reproduced by permission of Ordnance Survey on behalf of H&SO.  
 © Crown copyright and database rights 2014  
 Ordnance Survey 0100031673



The energy to lead

RWE Inmogy UK Ltd  
 Unit 22  
 Baglan Bay Innovation Centre  
 Baglan Energy Park  
 Central Avenue  
 Port Talbot SA12 7AX  
 T +44 (0)1639 816180  
 I www.rwe.com/uk

Sheet size: A3  
 Scale of original: 1:145,000

Site:  
 Gwynnt y Mor

Title:  
 Proposed area of community benefit for Gwynnt y Mor Wind Farm